

¡BOMBA!

Donde las toman las dan:  
hoy se estila en festivales  
pasar por espirituales  
y ser maya a lo Páayt'aan



# K'untzil

Edición de fin de semana, del viernes 18 al domingo 20 de marzo de 2022

CAMPECHE · YUCATÁN · QUINTANA ROO · AÑO 7 · NÚMERO 1696 · [www.lajornadamaya.mx](http://www.lajornadamaya.mx)

## CANGREJO WEECH

MINA'AN NU'UKBESAJO'OB TI'AL U KALÁANTA'AL U KUXTAL LE BA'ALCHE'A



"Walkila' mina'an mix jump'éeel jets't'aanil kaláantik u kuxtal le ba'ache'a, tumen úuch ka'ache' ku tukulta'al jach táaj yaan, ts'o'okole' suuk u yila'al tu k'áak'náabilo'ob Yucatán", beey tu ya'alaj Julio Duarte, u xoknáalil dóoktorado Ciencias Marinas, tu Laboratorioil Bentos Cinvestav, Unidad Mérida.

CHéen ba'axe' kex suuk u yila'al ka'ach cangrejo wech tu jáal ja'ilo'ob Yucatáne', bejla'e' ts'o'ok u p'áatal óol mina'an tumen k'askúunta'an tu'ux ku

yantalo'ob ikil u beeta'al mueeyes yéetel u wéekel u yéek' ja'il najo'ob otelo'ob, ichil uláak' ba'alo'ob. Beyxan le chan ba'alche'a ku k'a'abéetkunsal ti'al u chu'ukul uláak' kayo'ob.

Kex yaan ya'abach ba'al p'atik ich sajbe'entsil u kuxtal le ba'alche'a, Julio Duarte ku tsolik walkila' mina'an jo'olpóop ts'aatáantik wa ba'ax ti'al u kaláanta'al, tumen ku yáantaj ti'al u náajalta'al taak'in. Le beetike' táan u bin u p'iital.

*Emerita talpoida* u sientifikoil k'aaba' (ku yila'al tu péetlu'umil Yucatán, yéetel táaka'an ichil Hippidae chí'ibal). Táax u sóol u paach, ts'o'okole' wóolis, beey báatile'. Mantats' wuuts'ul u yook ichil u sóol paach, yéetel u yiche' chowaktak. Plancton ku jaantik, beyxan mejen wiinkilalo'ob yaan ichil le k'áak'náabo', beyxan u nej, wa telson (u jaajil k'aaba'e') chowak xan yéetel mu'uk'a'an, le beetik ku páajtal u tep'ikubáaj yéetel saam.

CECILIA ABREU

OOCHEL CHLOE AND TREVOR VAN LOON

ESPECIAL: FAUNA NUESTRA | P. 44 TAK 46